



UNIVERSITÄTS-  
BIBLIOTHEK  
PADERBORN

# **Geschichte der geistlichen Stiftungen, der adlichen Familien, so wie der Städte und Burgen der Mark Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1846**

CCXXVIII. Annahme des Buffe von Gohren zu Gardelegen zum Zollbereiter der Gegend von Gardelegen und Salzwedel, vom 1. Jan. 1516.

---

---

**Nutzungsbedingungen**

[urn:nbn:de:hbz:466:1-54572](https://nbn-resolving.org/urn:nbn:de:hbz:466:1-54572)

**CCXXVII.** Kurfürst Joachim's Revers für Friedrich von Alvensleben wegen der verpfändeten Urbede zu Gardelegen und Tangermünde, vom 11. März 1514.

Wir Joachim etc. Bekennen — Als etwan der hochgeborn Fürst her Johann Marggraff zu Brandenburg churfürst, vnser lieber Herr vnd vatter, seliger vnd loblicher gedechtnus, vff ersuchen vnser lieben getrewen Fridrichs von aluesleuen zu Caluorde vnd Im zu gnaden dem apt zu Mariendal vnd sinen nachkomen dreißig schock in der orbede zu Gardelege Jerlicher Zins für tausent gulden hawptsum vnd In der vrbehe zu Tangermund vier vnd funffzig gulden Jerlicher Zins auch vor tausent gulden hawptsum den wirdigen Ern Michel vnd Ern Nicolao glin, Thumhern zu Halberstat vnd Magdeburg vnd hans Raden, Burgermeister czu Magdeburg, vnd Iren nachkomen, nach meldung der briue Daruber aufgangen, uerscriben hat — die selben Tausent gulden hawptsum gnanter Fridrich von aluesleuen empfangen vnd In seinen nutz gewant, sich aber für sich vnd seine erben verschryben auch verburgt, vnsern lieben Hern vnd vatter seliger gedechtnus vnd sein erben In den angezeigten Zins zuuertreten vnd vmb heuptsum vnd Zinze In alle weg schadlos zuhalten, nach lauth der brieffe Daruber versigelt, Der Datum stet In dem ersten briue am tag der heiligen Drei konig Im Sechs vnd achtigsten vnd Im andern am tag philippi vnd Jacobj In dem selben Jar; So dann derselb Fridrich von aluesleuen vnd sein Burgen vns die zweitausent gulden hawptsum betagte vnd hinderstellig Zins aufgericht vnd bezalet vnd wir dieselben empfangen vnd In vnsern nutz gewant, eget sich vnd wer billich, Inen brieffe vnd sigl wider zuuberantworten. Dieweil aber dieselben verlegt vnd nicht vorhanden sein, Quittirn wir für vns vnser erben vnd nachkomen genanten Fridrich von aluesleuen seine burgen vnd alle ir erben solcher zwei tausent gulden hawptsum zusampt den betagten vnd hinderstellig Zinsen vnd sagen sie deshalben quid ledig vnd los, In crafft vnd macht dis briues, vnd wollen das ir brieff vnd sigel darober gegeben crafftlos vnd von nichten sein vnd wo die hernachmals gefund zu Iren oder Irer erben hand vnuerhindert gestalt werden sollen, getrewlich vnd vngeuerlich. Zu yrkunth. Datum am Sunnabent nach Innocaut Anno etc. XIII.

Aus dem kurfürf. Lehnscopialbuche No. XXXI. Fol. 251.

**CCXXVIII.** Annahme des Busse von Goren zu Gardelegen zum Zollbereiter der Gegend von Gardelegen und Salzwedel, vom 1. Jan. 1516.

Wir Joachim etc. Bekennen — das wir Boffen von Goren zu Gardeleg wonhaftig zu vnserm diener mit einem pferde vier Jar lang die negten volgend bestalt vnd aufgenommen vnd dartzu Jerlichen zwolff fl. sold vnd das erste Jar zeise frey zugesagt vnd versprochen haben vnd wir nemen gedachten Bos von Goren also zu vnserm diener mit einem pferd auf, zusagen und versprechen Im Jerlich die zwolff gulden sold vnd das erste iar Zeise frey wie obsteyt in crafft vnd macht ditz bryffs vnd also, das er von Gardeleg aus die straffen fleißig bereiten vnd daruff achtung haben soll, Das vnser Zolle zu Gardeleg nicht vmbfharen, sonder die rechte straffen gehalten werden, vnd wo er ymants die gedachte vnser Zoll verschuren begreifen wurde, dieselben vmbtreiben auch ny-mants dar Inn verschonen noch vbersehen, vnd sonst sich in vnsern vnd vnser Herschafft geschefften gebrochen lassen vnd gewertig sein, vnsern frommen werben vnd schaden warnen, wie er vns des Pflicht gethan hat on geuerde. Datum Coln an der Sprew, am heiligen Newen Jarstag Anno etc. XVI.

Nach dem kurfürf. Lehnscopialbuche No. XXXII. Fol. 221.